






第六八〇册

四庫全書

●上海古籍出版社

本冊目次

經義考(四)

清朱彝尊撰……………一

欽定四庫全書

史部
經義考卷二百二十四至
七

詳校官編修臣李光棟

編修臣程嘉謨覆勘

總校官知縣臣繆琪

校對官編修臣勵守謙

謄錄監生臣慈意誠

欽定四庫全書

經義考卷一百二十四

翰林院檢討朱彝尊撰

孝經

唐明皇孝經注

唐志作孝經

別見石經

通考

明皇序曰朕聞上古其風樸畧雖因心之孝已萌而

欽定四庫全書

經義考
卷一百二十四

資敬之禮猶簡及乎仁義既有親譽益著聖人知孝
之可以教人也故因嚴以教敬因親以教愛於是
順移忠之道昭矣立身揚名之義彰矣子曰吾志在
春秋行在孝經是知孝者德之本歟經曰昔者明王
之以孝治天下也不敢遺小國之臣而況於公侯伯
子男乎朕當三復斯言景行先哲雖無德教加於百
姓庶幾廣愛刑於四海嗟乎夫子沒而微言絕異端
起而大義乖況泯絕於秦得之者皆煨燼之末濫觴

欽定四庫全書

經義考
卷二百二十四

二

於漢傳之者皆糟粕之餘故魯史春秋學開五傳國風雅頌分為四詩去聖邇遠源流益別近觀孝經舊注踳駁尤甚至於迹相祖述殆且百家業擅專門猶將十室希升堂者必自開戶牖攀逐駕者必騁殊軌輒是以道隱小成言隱浮偽且傳以道經為義義以必當為主至當歸一精義無二安得不翦其繁蕪而撮其樞要也韋昭王肅先儒之領袖虞翻劉邵抑又次焉劉炫明安國之本陸澄譏康成之注在理或當何必求人令故特舉六家之異同會五經之旨趣約文數暢義則昭然分注錯經理亦條貫寓之琬琰庶有補於將來且夫子談經意在垂訓雖五孝之用則別而百行之源不殊是以一章之中凡有數句一句之內意有兼明具載則文繁畧之又義闕今存於疏用廣發揮

李齊古表曰臣聞孝經者天經地義之極至德要道之源在六籍之上為百行之本自文宣既沒後賢所

欽定四庫全書

經義考
卷二百二十四

三

注雖事有發揮而理甚乖舛伏惟開元天寶聖神文武皇帝陛下敦睦孝理躬親筆削以無方之聖討正舊經以不測之神改作新注朗然如日月之照邇矣合天地之德使家范其本人習斯文普天之下罔不欣載仍以太學王化所先孝經聖理之本分命璧沼特建石臺義展睿詞書題御翰以垂百代之則故得萬國之歡令刊勒既終功績斯著天文炳煥開七曜之光輝聖札飛騰奪五雲之氣色煙花相照龍鳳沓起實可配南山之壽增北極之尊百寮是瞻四方取則豈比周官之禮空懸象魏孔氏之書但藏屋壁臣之何幸躬親盛事遇陛下與其五孝忝守國庠率胄子歌其六德敢揚文教不勝忤躍之至謹打石臺孝經本分為上下兩卷謹於光順門奉獻兩本以聞天寶四載九月一日特進行尚書左僕射兼右相吏部尚書集賢殿學士修國史上柱國晉國公臣林甫光祿大夫行左相兼兵部尚書弘文館學士上柱國渭

源縣開國公臣李適之光祿大夫行門下侍郎兼集賢院學士副知院事仍兼侍講兼崇玄館大學士上柱國臨潁縣開國侯臣陳希烈朝議大夫守中書舍人兼判刑部侍郎上柱國臣孫逖正議大夫行中書舍人集賢院學士上柱國平樂郡開國公臣韋斌朝散大夫守中書舍人兼知史館事臣李玄成太中大夫行給事中臣李巖朝請大夫守給事中臣韋良嗣銀青光祿大夫國子祭酒上柱國臣李齊古朝請大夫

欽定四庫全書

經義考
卷一百二十四

四

守國子司業臣韓倩朝議大夫檢校國子司業臣薛獻正議大夫行國子司業員外置同正員臣張個通議大夫檢校禮部尚書上柱國襄陽縣開國男賜紫金魚袋臣席豫正議大夫檢校工部尚書上柱國賜紫金魚袋東京留守臣陸景融通議大夫守尚書左丞上柱國清水縣開國男臣崔翹大中大夫守吏部侍郎上柱國趙郡開國公臣李彭年吏部侍郎上柱國彭城縣開國男臣韋陟正議大夫行兵部侍郎賜紫

金魚袋上柱國燕國公臣張均正議大夫行兵部侍郎

借紫金魚袋上柱國臣宋鼎中散大夫守戶部侍郎

上輕車都尉臣郭虛已中大夫行禮部侍郎上輕

車都尉臣達奚珣朝議郎行上柱國賜緋魚袋臣

韋騰朝議郎行丞臣蔣漾大學助教別勅魚判丞臣

李德賓儒林郎守主簿崔少容朝議大夫守國子博

士上柱國臣留元鼎朝散郎守大學博士兼諸王侍

讀臣蕭鄂客朝散郎守四門博士兼諸王侍讀臣任

欽定四庫全書

經義考
卷一百二十四

五

凝承奉郎守四門博士臣劉齊會朝議郎行四門助教臣梁德裕承奉郎四門助教臣闕彛直承奉郎四門助教臣王思禮承奉郎守四門助教上柱國臣劉大均登仕郎守四門助教臣秦龜從儒林郎守四門助教臣胡銷釋奠坐主四門教授臣王南金文林郎守律學博士臣劉嘉祥算學博士臣張元貞文林郎行直講賜綠臣王又宣義郎行直講臣顏挺天林郎行直講臣王璋高陵縣丞翰林院學士直國子監賜

鯀魚袋臣丁景文林郎守義王府叅軍兼國子監文
史直知進士臣司徒臣源朝散郎行醫學博士兼直
監解休一文林郎行國子錄事王思恭

明皇勅曰孝者德之本教之所由生也故親自訓注
垂範將來今石臺畢功亦卿之善職覽所進本深嘉
用心

唐會要開元十年六月上注孝經頒天下及國子學

天寶二年五月上重注亦頒天下三載十二月詔天

欽定四庫全書

經義考
卷二百二十四

六

下家藏孝經五載二月詔孝經書疏雖猶發明未能
該備今更數暢以廣闡文令集賢院寫頒中外

秦再思曰玄宗開元中親注孝經并製八分書之立
於國以層樓覆之

薛放曰漢立論語於學官光武令虎賁士習孝經玄

宗親為注訓論語六經菁華孝經人倫之本也

孫奭序曰夫孝經者孔子之所述作也述作之旨聖

人蘊大聖德生不偶時適周室衰微王綱失墜君臣

僭亂禮樂崩頽居上位者賞罰不行居下位者褒貶

無作孔子乃定禮樂刪詩書贊易道以明道德仁義

之原修春秋以正君臣父子之法又慮雖知其法未

知其行遂說孝經一十八章以明君臣父子之行所

寄知其法者修其行知其行者謹其法故孝經緯曰

孔子云欲觀我褒貶諸侯之志在春秋崇人倫之行

在孝經是知孝經雖居六籍之外乃與春秋為表裏

先儒或云夫子為曾參所說此未盡其指歸也蓋曾

欽定四庫全書

經義考
卷二百二十四

七

子在七十弟子中孝行最著孔子乃假立曾子為請

益問答之人以廣明孝道既說之後乃屬與曾子洎

遭暴秦焚書並為煨燼漢膺天命復興闡微言孝經河

間顏芝所藏因始傳之於世自西漢及魏歷晉宋齊

梁注解之者迨及百家至有唐之初雖備存秘府而

簡編多有殘闕傳行者惟孔安國鄭康成兩家之注

并有梁博士皇侃義疏播於國序然辭多紕繆理味

精研至唐玄宗朝乃詔羣儒學官俾其集議是以劉

子玄辨鄭注有十謬七惑司馬堅斥孔注多鄙俚不經其餘諸家注解皆崇華其言妄生穿鑿明皇遂於先儒注中撫拾菁莪芟去繁亂撮其義理允當者用為注解至天寶二年注成頒行天下仍自八分御札勒於石碑即今京兆石臺孝經是也

撰 按孫奭序或作成都府學主鄉貢傅注奉右

崇文總目取王肅劉劭虞翻韋昭劉炫陸澄六家之

欽定四庫全書

經義考
卷二百二十四

說參攷孔鄭舊義今行於太學

賈氏公序孝經疏

唐志五卷

佚

陸氏德明孝經說文

一卷

存

孔氏穎達孝經義疏

佚

唐書本傳太宗時顏達為太子右庶子承乾令顏達撰孝經章句因文歲諷

任氏希古越王孝經新義

唐志十卷

佚

龐元英曰新義者以越王為問目釋疏文之義

高麗史光宗先德十年秋遣使如周進越王孝經新

欽定四庫全書

經義考
卷二百二十四

義八卷

王氏元感注孝經

唐志一卷

佚

舊唐書長安三年元感表進書禮春秋并所注孝經

草索請官給紙寫上秘閣詔曰王元感質性溫敏博

聞強記手不釋卷老而彌篤荷前達之失究先聖之

旨是謂儒宗不可多得可太子司議郎兼集賢學士

魏氏克己孝經注

唐志一卷

佚

王氏漸孝經義

五十卷

佚

龍城錄國初有孝子王漸作孝經義成五十卷事亦該備而漸性鄙朴凡鄉里有鬪訟漸即詣門高聲誦

欽定四庫全書

性類考
卷二百二十四

十

義一卷反為漸謝後有病者即請漸來誦書尋亦得

愈

元氏行冲御注孝經疏

唐志二卷
宋志三卷

佚

唐書玄宗自注孝經詔行冲為疏立於學官

崇文總日明皇既作注故行冲奉詔作疏

尹氏知章孝經注

唐志一卷

佚

舊唐書尹知章絳州翼城人神龍初太常博士睿宗即位拜禮部員外郎轉國子博士

李氏嗣真孝經指要

唐志一卷

佚

舊唐書李嗣真滑州匡城人永昌中拜右御史中丞

欽定四庫全書

性類考
卷二百二十四

十一

知大夫事為來俊臣所陷配流嶺南萬歲通天年徵還至桂陽卒神龍初贈御史大夫

李氏陽冰科斗書孝經

佚

韓子記畧曰李監陽冰能篆書貞元中愈事董丞相幕府於汴州識開封令服之者陽冰子授予以其家科斗孝經子寶蓄之而不暇學後來京師為四門博士識歸公登歸公好古書能通之愈曰古書得其據

依益可講因進其所有書屬歸氏元和來思凡為文

辭宜畧識字因從歸公乞觀留月餘張籍令進士賀

拔恕寓以留愈益得其十四五而歸其書於歸氏

平氏貞泰孝經義

唐志卷亡

佚

蘇氏彬孝經疏

宋志一卷

欽定四庫全書

經義考
卷二百二十四

十三

佚

任氏奉古孝經講疏

宋志一卷

佚

高麗別叙孝經

一卷

佚

龐元英曰別叙者叙孔子所生及弟子從學之事

高麗史光宗先德十年秋遣使如周進別叙孝經一卷

欽定四庫全書

經義考
卷二百二十四

十三

經義考卷二百二十四

欽定四庫全書

經義考卷二百二十五

翰林院檢討朱彝尊撰

孝經四

邢氏易等孝經正義

宋志三卷

存

宋會要至道二年判監李至請命李沆杜鎬等纂孝

欽定四庫全書

經義考
卷二百二十五

經正義從之咸平三年三月命祭酒邢昺代領其事

杜鎬舒雅李維孫爽李慕清王渙崔偓佺劉士元預

其事取元行冲疏約而修之四年九月以獻賜宴國

子監進秩有差十月命杭州刻板

崇文總目孝經正義三卷邢昺撰初世傳元行冲疏

外餘家尚多皆猥俗褊陋不足行遠咸平中昺等奉

詔據元氏本而增損焉

龍氏昌期孝經注

佚

宋氏鉉孝經節要

一卷

佚

東都事畧宋綬字公垂趙州平棘人官至兵部尚書

參知政事贈司徒兼侍中謚宣獻

呂氏公著孝經要語

一卷

欽定四庫全書

經義考
卷二百二十五

佚

東都事畧呂公著字晦叔宰相夷簡子也舉進士累

官司空同平章軍國事贈太師中國公謚正獻

司馬氏光古文孝經指解

一卷

存

先自序曰聖人言則為經動則為法故孔子與曾參

論孝而門人書之謂之孝經及傳授滋久章句浸差

欽定四庫全書

經義考
卷二百二十五

三

孔氏之人畏其流蕩失真故取其先世定本雜虞夏商周之書及論語藏諸壁中苟使人或知之則旋踵散失故雖子孫不以告也遭秦滅學天下之書掃地無餘漢興河間人顏芝之子得孝經十八章儒者相與傳之是為今文及魯共王壞孔子宅而古文始出凡二十二章當是之時今文之學已盛故古文排擯不得列於學官獨孔安國及後漢馬融為之傳諸儒黨同疾異信偽疑真是以歷載累百而孤學沈歎無人知者隋開皇中秘書學士王孝逸於陳人處得之河間劉炫為之作楷疑一篇將以興隆起廢而時人已多譏笑之者及唐明皇開元中詔議孔鄭二家劉知幾以為宜行孔廢鄭於是諸儒爭難蠶起卒行鄭學及明皇自注遂用十八章為定先儒皆以為孔氏避秦禁而藏書臣竊疑其不然何則秦世科斗之書廢絕已久又始皇三十四年始下焚書之令距漢興纔七年耳孔氏子孫豈容悉無知者必待共王然後乃

欽定四庫全書

經義考
卷二百二十五

四

出蓋始藏之時去聖未遠其書最真與夫他國之人轉相傳授歷世疎遠者誠不侔矣且孝經與尚書俱出辟中令人皆知尚書之真而疑孝經之偽是何異信贈之可啗而疑炙之不可食也嗟乎真儒之明鍛若日月而歷世爭論不能自伸其中異同不多然要為得正此學者所當重惜也前世中孝經多者五十餘家少者亦不減十家今秘閣所藏止有鄭氏明皇及古文三家而已其古文有經無傳按孔安國以古文時無通者故以隸體寫尚書而傳之然則論語孝經不得獨用古文此蓋後世好事者用孔氏傳本更以古文寫之其文則非其語則是也夫聖人之經高深幽遠固非一人所能獨了是以前世並存百家之說使明者擇焉所以廣思慮重經術也臣愚雖不足以度越前人之宵臆闕望先聖之藩籬至於時有所見亦各言爾志之義是敢輒以隸寫古文為之指解其今文舊注有未盡者引而伸之其不合者易而去

欽定四庫全書

經義考
卷二百二十五

五

之亦未知此之為是而彼之為非然經猶的也一人射之不若衆人射之其為取中多也臣不敢避狂僭之罪而庶幾於先王之道萬一有所裨焉 又進表曰臣聞聖人之德莫加於孝猶江河之有源草木之有本源遠則流大本固則葉繁是以由古及今臣竊四海未有孝不先隆而能宣昭功化者也伏惟皇帝陛下純孝之性發於自然動靜云為必咨訓典起居出入不忘先烈以為滁州者太祖皇帝所以擒馘奸桀肇開王迹并州者太宗皇帝所以芟除僭亂混一九圍澶州者真宗皇帝所以攘却貪殘又寧華夏皆大勲懿業咸靈所存遂命有司分建原廟圖續聖容躬題扁榜嚴奉之禮備盡恭勤羽衛供帳率從豐行茲有以見陛下尊顯祖宗之意無不至矣經曰愛敬盡於事親而德教加於百姓刑於四海夫以陛下天授之資愛敬之志而又念夫百官者祖宗之百官不可以私非其人府庫者祖宗之府庫不可以費非其

欽定四庫全書

經義考
卷二百二十五

六

功法令者祖宗之法令不可以罰非其罪慎之重之蓋自儆戒如是則為無不成求無不給崇名之彰炳如日月基緒之固巍如泰山黎民又安草木蟲魚靡不茂豫此誠孝德之極致也臣愚幸得補文館之缺以經史為職竊觀秘閣所藏古文孝經先秦舊書傳注遺逸孤學堙微不絕如綫是敢不自揆量妄以所聞為之指解雖才識褊淺無能發明庶幾因聖人之言得少闕省覽則糞土之臣榮願足矣其古文孝經指解一卷謹隨表奏進 又進劄子曰臣竊惟自古五帝三王未有不由學以成其聖德者所謂學者非誦章句習筆札作文辭也在於正心修身齊家治國明明德於天下也恭惟皇帝陛下肇承基緒雖年在幼冲而執喪臨朝率禮弗越體貌尊嚴舉止安重顯顯卽卽有老成之德萬方瞻仰無不愛戴此乃聖性自然不聞亦式實天祐皇家宗廟社稷生民之盛福也然玉不琢不成器人不學不知道儻復咨學問以

成之則亮奔禹湯文武何遠之有伏見近降聖旨過冬至開講筵臣竊以聖人之德無以加於孝自天子至於庶人莫不始於事親終於立身揚名於後世誠為學所宜先也臣向不自揆嘗撰古文孝經指解皇祐中獻於仁宗皇帝竊慮歲久遺失不存今繕寫為一卷上進伏乞聖明少賜省覽

晁公武曰古文蓋孔惠所藏者與顏芝十八章大較相似而析出三章又有閨門一章不同者四百餘字

欽定四庫全書

經義考
卷二百二十五

七

劉向校書以十八章為定故世不大傳獨有孔安國注今亡然諸家說不安處古文字讀皆異推此言之未必非真也司馬公為之指解併音

中興藝文志自唐明皇時議者排毀古文以閨門一章為鄙俗而古文遂廢國朝司馬光始取古文為指解

陳振孫曰按唐志孝經二十七家今溫公序言秘閣所藏止有鄭氏明皇及古文三家而已古文有經無

傳以隸體寫之而為之指解仁宗朝表上之

王應麟曰至和元年十二月殿中丞直祕閣司馬光上古文孝經指解表曰聖人之德莫加於孝猶江河之有源草木之有本源遠則流大本固則葉繁祕閣所傳古文孝經先秦舊書傳注遺逸孤學堙微不絕如綫妄以所聞為指解一卷詔送祕閣

王氏安石孝經解

通考一卷

欽定四庫全書

經義考
卷二百二十五

八

侯

晁公武曰經云當不義則子不可以不諍於父而孟子曰父子之間不責善夫豈然哉今介甫以為當不義則諍之非責善也噫不為不義即善矣阿其所好以巧慧侮聖人之言至此君子疾夫

趙希弁曰右荆國文公王安石所著也凡十七章喪親章闕之

范氏祖禹古文孝經說

宋志一卷

存

晁公武曰元祐中侍經筵時上

祖禹進呈序曰古文孝經二十二章與尚書論語同出於孔氏壁中歷世諸儒疑眩莫能明故不列於學官令文十八章自唐明皇為之注遂行於世二者雖大同而小異然得其真者古文也臣今竊以古為據而申之以訓說雖不足以明先生之道庶幾有萬一

欽定四庫全書

經義考
卷二百二十五

九

之補馬臣謹上 又劉子曰臣伏觀國史章獻明肅

太后嘗命侍讀宋綬擇前代文字可以資孝養補政

治者以備仁宗觀覽臣職勸讀雖不足以跂望前人

之髣髴然區區愚竊不盡愚竊以聖人之行莫先

於孝書莫先於孝經孝經有古文有今文今文即唐

明皇所注十八章古文凡二十二章由漢以來惟孔

安國馬融為之傳自餘諸儒多疑之故學者罕習仁

宗朝司馬光在館閣為古文指解一卷表上之臣竊

考二書雖不同者無幾然古文實得其正故當妄以

所見又為之說非敢好異尚同庶因聖言少闢省覽

伏惟陛下方以孝治天下此乃羣經之首萬行之宗

倘留聖心則天下幸甚其古文孝經說謹繕寫為一

冊上進

真德秀曰自唐玄宗御注孝經出世不復知有古文

先正司馬公作為指解太史范公復為之說於是學

者始得見此經舊文

欽定四庫全書

經義考
卷二百二十五

十

楊士奇曰宋元祐中祕書省著作郎兼侍讀范祖禹

淳夫經筵所進刊板在成都

趙氏克孝孝經傳

宋志一卷

佚

楊傑曰克孝中上科任越州管内觀察使神宗朝著

孝經傳上進賜詔稱諭

張氏元老孝經講義

宋志一卷

佚

呂氏惠卿孝經傳

宋志一卷

佚

李氏公麟孝經圖

一卷

未見

欽定四庫全書

經義考
卷二百二十五

十二

公麟自述曰鳳閣舍人楊公雅言孝經闕鍵六藝根本百行在世訓所重謂龍眠山人李公麟曰能圖其事以示人為有補元豐八年六月因撫其一二隨章而圖之

范冲跋曰孝者自然之理天地之所以大萬物之所以生人之所以靈三綱五常之所以立學然後知之心不苟慮必依乎道足不苟動必依乎禮行之以不息守之以至誠造次必於是顛沛必於是及乎習與

性成是謂純孝不然無以立身矣豈不見夫諸侯車

服之美儀物之盛尊榮如此國公以幼學之年享寵

祿之厚盍思所以保富貴之道乎故冲以諸侯之事

為獻曰戰戰兢兢如臨深淵如履薄冰周之諸侯其

入而居於王所則皆為之卿士故冲又欲以卿大夫

之事為獻曰夙夜匪懈以事一人國公其勉之

按中興聖政錄紹興五年建國公初出資善

堂冲書李公麟孝經圖以進

欽定四庫全書

經義考
卷二百二十五

十三

陸完曰龍眠居士圖孝經雖曰隨章撫其一二然自天子以至於庶人威儀動作之節與夫郊廟之規模間里之風俗器物之制度富產之性情亦畧備矣文徵明曰李伯時畫孝經一十八事蓋摘其中八相者而圖之按畫譜所載御府伯時畫一百有七中有孝經相此卷蓋宣和所藏然無當時印識而有紹興小璽豈南渡後又嘗入祕府耶伯時喜畫古賢故事每簿著訓誡則孝經相當非特一本此殆別本也伯